

皇明續紀三朝法傳全錄

皇明續紀三朝法傳全錄卷之五

聖湖 高汝杖 輯 淮南 李長科 閱

高 千位 顯宗 校

深中情事

妙着不用  
可附

乙未萬曆二十三年正月遼東都御史李化龍疏倭六  
可○疑○五○可○慮○謂○倭○不○識○漢○字○恐○中○間○兩○相○欺○給○請○從○禮  
部量封秀吉願化王罷遣沈惟敬增募水兵而清正素  
不服關白與行長不相能可用魯連諭燕將計時封使  
已發竟不從○四川都御史邢玠奏傳至蜀察永寧西  
陽豎馬千斛皆應龍姻媾而黃平白泥諸司人爲僂營  
計先剪其枝黨以極曉譬應龍會水西安臣羅請卹典

楊首之反  
李由好  
片激成之

皇朝通志卷五

兵部尚書石星手札示疆臣，趣應龍就吏，得贖罪，疆臣奉札至播，招龍謂龍來當待以不死，不者國家懸萬金購而頭，而早爲計，當是時七姓唯恐龍出得除罪，而四方亡命閭匿其間，又幸龍反，因以爲利，縣道文移輒從中阻，總督復使使請應龍所問狀，且檄檄綦江、烏江兵諭，秦民勿擾，龍自是有傷心矣。

二月會試，以文淵閣大學士張位、吏部侍郎劉元震充考試官，取湯賓尹等三百人。○選擇尚主子弟三人入見。上親以其名呈皇太后，后置金瓶中焚香祝天，取其一選。上卽時以緋袍履之，送入春曹，其兩人者賜

金綺罷出送順天府庠。○廣東道御史祝上進、泰大學士趙志臯、袁鼐昏瞶、伴食模稜、乞聽速去、不則返照之曜無多、攝魄之符且至、必待輿屍以歸、不獲首丘之願、悲哉。上以新進姑罰俸六月。

三月廷試、賜進士朱之蕃、湯賓尹、孫慎行等及第出身有差。○重慶府知府王士琦奉總督檄、詣綦江縣趙應龍安穩聽勘、士琦屬綦江令及經歷等往宣諭、應龍使弟兆龍至安穩、治郵傳、餽饌郊迎、叩頭致饋、資饋率如禮日、應龍久縛渠魁、待罪松坎、所不敢至安穩者、以安穩多奏民也、使君幸在車騎、臨況松坎、敬布腹心、綦江

志龍所見  
是往奏民

應龍如此  
盡禮似亦  
小心惟謹  
矣其於不  
後也豈遠  
吏之生事  
耶

令具達其言于士琦。士琦即單騎往松坎應龍果面縛  
道周泣請死罪。膝行前席叩頭流血。請治公館執罪人  
及罰金獻廷中。士琦爲請。總督委兩贊畫請安穩。應龍  
囚服郊迎蒲伏。縛獻黃金。阿羔阿苗等十二人案驗抵  
應龍斬。以夷法得計贖輸四萬金。助採木。仍革職。子朝  
棟以土舍受事。黃光等梟斬重慶市。總督以聞。是時倭  
氛未靖。大司馬欲緩其文罔。專事東方。天子亦以應龍  
向有積勞。可其奏。○以霸州副使蔡可賢兵備甘肅。經  
畧互市。俺荅素傑點每臨市場。邀邊臣出覲。懦者率憚  
行。輒多予金。繒以免。可賢慨然曰。國家方鞭笞四夷。而

如此然後  
兄中國友  
八

示人以怯不武。虜既輸款，稱外臣而遂其詐，不信。徒令虜得要挾而輕中國，非筭也。乃令軍吏前阿，策馬入其帳中，叙賓主禮。虜大喜，且服其威，畧竟市一無所求取。歲省費無筭。可賢又作塞下曲，勒石市場，制府聞而壯之以爲有汾陽單騎見虜風焉。

○太子少保工部尚書潘季馴卒，季馴當世宗朝，卽副工部尚書，朱衡治河有功，及至是，四受簡命，與河終始，及復故官，四上疏乞休。上難其代，固留之。踰年，稱病篤，始得請，慨然嘆曰：去而令代者，無懷忮，無見奇師。吾意不易吾法。卽漕渠可無大患，後徐州守開堤引水。

水侵不得洩言者遂謂河故道不可用宜更鑿渠礪山  
出于房山下仍徙鎮口開毋令通河易開又謂淮水漲  
漲浸泗州祖陵以高堰故宜破堰以洩水或又言二  
洪淺阻宜濬之使深河身日益高宜柳之使卑異議  
起而譴及之矣李馴烏城人○削總理河道太子少保  
舒應龍職爲民降工科都給事劉弘寶爲馬邑典史南  
京工科給事中陳洪烈爲廣東惠來縣典史先是直隸  
巡按牛應元奏言祖陵水患日深奉旨選老成風  
力科臣會同總督河漕及各御史從長計議作速隨宜  
疏洩以安陵寢毋得偏執私見諉循人情至是御史

逆酋哈赤  
用恩之始

攝應科論勘河受賄者陳洪烈劉弘寶彭應參  
河工挑濬每年糜費內帑不下百十餘萬工程再無堅  
久完報反滋浸沒之患總督河漕等官故意遷延希圖  
糜費大家浸漁故降弘寶等而削應龍之職并追究潘  
季馴等○總督侍郎張國彥奏奴兒哈赤身率三十二  
酋保塞有功且鈴東建州毛憐等衛得陞都督上命  
陞爲龍虎將軍○降吏科都給事楊東明三級調極遠  
邊方奪戶科給事中鄒廷彥俸一年時東明叅都御  
史沈孝思而廷彥繼之上以東明主使教唆故降東  
明而罰廷彥○京師地震有詔勅臣工痛加脩省



高汝拭曰：火災、水災、地震、海關、震于霍州、連震于京師、及昌平、通州、而雨雪又見、告矣、是時講筵久虛、將就勿、禮祀屢攝、精誠勿、龍樓間、寢溫清、或缺封事、踈于批答、而宮闈遠隔、端揆倦于延對、而啓沃罔聞、骨鯁難入、而緘默易容、民瘼擯矣、而賜環無日、寢與無常、而夜氣清明、或情喜怒失平、而使令摧殘、大甚、短舞酣歌、弗懲而瓊林太瘦、弗戒、凡此皆足于和召災、而僅僅彌文故事也哉。

永寧土婦奢世續。上書曰：臣不天、白僕再世而危我

也。請以白就吏贖兒死。先是奢效忠、有二妾、世統世續、統生子崇祖、嗣職死、續子崇周當嗣、而幼、統與僕沙卜通、不肯立周、兩婦治兵相攻五年、崇周為諸生、竟得嗣職、從討楊應龍、戰力甚有功、卜子白以盞飲毒、周死、故續為之請。○勲衛李宗誠、表便往日本、所經行之營、在

在索貨無厭。次對馬島太守儀智夜歸。美女二二人更番納行帷中。宗城安之。倭酋數請渡海。不允。儀智妻行長女也。宗城聞其美。併欲淫之。智怒不許。適謝周梓姪隆與宗城爭道。宗城欲殺之。隆誑其左右曰。倭三三兩兩躡足附耳。似有變。宗城惧。棄璽書。夜逃。北明失路。自縊于樹。副使楊方享檄聞于朝。臣隣閔然。督撫直指皆言倭情未常有變。正使自爲奸人誤耳。乃改方享爲正。惟敬爲副。立限渡海。○戶部郎中楊應宿。行人高攀龍。上疏爭辦是非。臧否人材。有旨部院該科會議。二臣疏中。在位去位者。不下三十餘人。而部勘止及應宿。攀龍。

東林名目  
由此而分  
至天啓末  
年而興  
衰矣

劉四科、顧憲成、李宜春而已。東林名目，由此而分。應宿降湖廣按察司經歷，攀龍降揭陽縣典史，顧憲成爲民。○直隸巡按趙文炳、疏彈銓司蔣時馨，証甚明，亟宜罷斥。時已奉旨，着九卿科道會勘，而時馨伏出，疏辦波及京營都御史沈思孝。浙江參政丁此呂事，上以強辦資擾黜之爲民，而思孝與孫丕揚成水火矣。思孝謂此呂建言立功，不宜被察。丕揚謂此呂貪婪，証跡豈得以建言輕恕？并以此呂訪單一十四紙隨本進呈。上命追此呂下獄訊問。丕揚稱疾乞歸。上溫旨諭之。

于慎行曰：丕楊清謹品也。平生建樹表儀，取信海內。及掌天曹，甚副人望。而一二舉動，頗失大體。如以訪

單揭帖。按丁此呂之驍。罷免其官。此未爲過。及見丁  
意交攻。急于自白。遂將原開揭帖。進呈。御覽。以明  
不妄。而揭帖所開。賊至數萬。致激聖怒。丁適戍江  
右之士。羣然交攻。而孫不能安其位矣。以揭帖察吏  
已夫公平。至將私揭呈覽。尤非體例。且揭中賊至數  
萬。如果得實。豈止罷官。是自實其縱也。  
祇按丕楊爲大理寺卿。不附江陵回籍。出京時。單  
騎一騾。行禮蕭然。不憚不作。居然有大臣風。及還里。  
某知府。與按院迎合。權奸必坐丕楊以賍。知府捏其  
受幣數端。當以重譴。而投文之吏。路爲虎所啗。及廉  
得狀。再申丕楊罪。而江陵去矣。此其人甚足爲重。但  
其典選。慮內人請托。難于從違。大選外官。立爲掣籤。  
洪官中相傳。以爲至公。小民亦翕然稱頌。至今尚踵  
行其法。而君子以爲非體也。古人見除吏條格。却而  
不似。以爲一吏足矣。奈何銜鑑之地。自處于一吏之  
職。而無所乘成。亦甚陋矣。

降河南道御史馬經綸。工科都給事林熙春。三級調外  
任。時籍沒張誠。霍文炳之產。言官逢聖怒而譴者。一

時三十四人故事分疏申救輪該刑科侯廷佩首列職銜廷佩畏不置名斯時聖怒不測先旨止于調外任而大學士陳于陞疏救遂降雜職吏部孫丕楊又救竟爲民矣諸臣陛辭青衣小帽絕無一人敢用一馬一遞夫者長安青瑣蘭台幾于盡閉于是馬經綸林熙春抗疏請攸容言官悉遭貶斥而直聲亦大著先是廷佩之參張誠也上惡之旨曰何先無一吠之忠及經綸被斥京師爲之謠曰侯吠不如犬吠馬鳴爭似鳳鳴則其櫻麟益可知已

丙申萬曆二十四年正月下廣東道御史曹學程于理

東封之局  
本兵欲僥  
倖于急就  
公論大譁  
遂激聖  
怒欲重創  
以止憚而  
事待御危  
矣

東封之使久稽觀望，訛傳不一，至是方抵釜山，惟敬又  
說云：「演禮同行，長先渡海，私奉秀吉、蟒玉、盃善冠及地  
圖、武經，又驅壯馬三百，南戈崖騎從，陰獻秀吉，娶阿里  
馬女，與倭合。」宗城故統禔子，誅親從言，倭叵測，乘夜縊  
死于廷。臣請罷封而學程言尤懇，上責其抗違，下  
之于獄。○三月初九日夜，乾清坤寧二宮災，下詔自責，  
布告臣民，詹事余繼登上疏，引劉向不學道，厭妖火焚  
宮，疏入不報。○大學士陳于陛卒于官，贈太保，謚文憲。  
于陛計聞上命，皇長子曰：「陳閣老侍若離讀，若宜鄭  
其喪，乃遣中官致金帛，此國朝所未有也。」

按陸父文端公。本朝父子。取高第者。自陳王憲刻  
外。雖咸都之博。未見不理于口。獨陸一人。皆結思  
特在翰屏。  
不久惜哉。

起禮部尚沈鯉。大學士人閣辦事。○令御史陳遇文。高  
舉嚴勘總督。塞達薦賄皆証。惟債師吳維忠一事。自有  
坐。吏部尚書孫丕楊。都御史張員吉。復奏達竭智能。行  
情。懷蒙怨咨。極身無二。請俟終制。召用報可。○楊應龍。  
劈餘應土吏。毛乘雲棺。磔其屍。已又掠大阡都壩。焚劫  
餘慶草堂二司。遍及興隆。徧鎮都勻。各衛已。又遣兆龍。  
引兵圍黃平。戮及重安司長官。張喜一家。應龍再及寬  
政。乃益怙終不悛。每念五姓七司。奴輩害我。必盡力力。

廷釋忿而次子可棟贊于獄者又死則益心痛分遣吏目置閣椽險僭立巡警江內七牌江外四牌搜覈秦民劫掠屯堡無虛日厚撫諸苗用以摧鋒名硬手州人稍殷厚者因事誅之沒其家以養苗諸苗願爲出死力

八月吏部左侍郎趙用賢卒贈禮部尙書賢生平慷慨激烈剛方勁直被杖歸江陵怒未解洵洵將具大獄因適會得免後起家禮部疏建儲疏有言官李沂疏黜中官張鯨侃侃丰裁且夕將入相會監生吳鎮軒奏遂有中傷者亦有暴白者昌言滿庭甚有掛冠去者賢稱疾疏十上得允至家嘔血數升死崇禎元年贈少保



議益加師。○九月大學士沈鯉陛見具疏言感恩圖報望上以言圖治又極礦稅之害上褒答當長至節鯉詣宮門稱賀上使大璫矩宴之輝及開礦事鯉言洩山川靈氣傷陵脈關係聖躬與聖子神孫不細時上已使小璫偵輔臣何言已又問矩以實對上頷之其後卒罷璫○十一月楊方亨沈惟敬奉冊如日本島撒益平秀吉齋沐三日郊迎節使受封行五拜三叩頭山呼禮禮畢欵使者備至朝鮮王諒遣光海君致賀已而聽嬖臣李德馨言使州判奉白土紬爲賀秀吉告惟敬曰若不思二子三大臣三都入道悉遵天朝約付還今

後封使大  
指至款端  
上以珍珠  
縹緞又防  
東廠官涓  
言百計編  
縫是掩耳  
偷鈴之計  
也

以卑官微物來賀辱小邦耶。辱天朝耶。惟敬慰諭之。秀  
吉曰。今留石曼子兵于彼。候奏聞天子處分。然後撤還。  
翌日具貨物數百種奉貢。遣使齎表文二通。隨冊使渡  
海至朝鮮。廷議留使于朝鮮。取表文進驗。其一通謝恩。  
其一通乞聖天子處分日本。朝鮮兩國是非。衆皆以爲  
飾說。後皆敗露云。○山西巡撫魏允貞懇停開礦之役。  
董其昌曰。歷代理財之事。無及礦場者。書稱大禹任  
土作貢。惟金三品。而宋臣劉彤曰。古費多而有餘。今  
用少而不足者。乃古取山澤。而今取諸民也。豈卽礦  
類耶。此疏請先開一方以試。蓋開亦不過一二月卽  
止。

給事中戴士衡奏言。內監陳增招權橫行。漸不可長。乞

賜杜絕以遏將來不報。○河決黃埧口有言宜塞者有言不必塞者。諫濟沂河以濟徐邳運道。砌歸仁堤。擁護陵寢。以都御史楊一魁總督之一魁。卽請緊要水司官行久任之法。

丁酉萬曆二十五年正月。雷火焚長陵。明樓。亟食諸陵松栢。大雨水逆行。神路石橋。及諸邊牆台榻損者過半。○戎政尙書蹇達上疏自免。以謝災異。并乞太僕十萬金。通倉米十萬石。以賑罷礦稅。釋累囚。賜環諸臣。以言責官守得罪去者。又奏工部。通薊昌遼保餉金八十餘萬。兩部旣匱乏。兵又不能束手就斃。請發內帑濟之。不

苗既非我族類難以法繩若不繩以法則又有出押之患則國家之養苗如養蠶子也難為政矣

報○湖廣苗變湖廣寶慶府步城縣楚之西南絕徼控五洞六寨之阨口苗夷環繞僅西北通武崗一路縣所居不甚輻輳大都苗居十九民居十一地產之利苗獲十九有餘民得十一不足賦稅則民又十倍于苗雖苗之戶口田糧載于冊狀同歸天府然苗田從來免其清丈糧米惟任自辦苗崗之外逼近廣西古田天水一帶皆散苗盤踞出沒為崇知縣元某進崗丈田崗苗雷戾聽等糾黨阻丈厲詞惡聲深受窘辱體統掃地後護印照磨梅蓄祚條議撫苗方畧順其土俗治開釐諸奸取苗之傲驚者稍懲之以定一方之變知縣改官去○兩

視元令何如

鄧封豐臣

平秀自小

百飛亦開

豐臣行長

豐臣家康

等親親也

石司馬誤

馳敬之游

說借款息

兵雖終國

而堅于持

謀遂使通

國之言殆

至潰裂而

身亦隨之

可惜

○議東征時封事已壞而楊方亨能報去年從釜山渡海

倭于大阪受封即回和泉州然倭責朝鮮三子不往謝

禮又微所以留釜山如故謝表後時不發方亨徒手歸

至是沈惟敬始投表文案驗潦草前折用豐臣圖書不

奉正朔無人臣禮而寬奠副總兵馬棟報清正等擁二

百艘屯機張營方亨始直吐本末委罪惟敬并本兵前

後手書進呈御覽而惟敬辱國及本兵彌縫罪狀奉

徑外又添一經

旨勘如律○以兵部尚書邢玠總督蔚遠改麻貴為備

倭大將軍經理朝鮮食都御史楊鎬駐天津以申警備

許重熙曰先是總督孫鑣別令其下某請國致禮清

正約發行長付其與清正成功為清正所斥孫慚阻

乃欲壞破封事與石星相訐刑部尚書趙大克欲代  
星位。撓其功。張位在內閣。必欲以武功表異。于是科  
道爭論星等辱國。就逆孫鎮亦  
罷職。遂以邢玠爲總督云。

皇極三殿災。下詔戒勵羣臣。并下罪已詔于天下。廢吉  
士劉綱上疏。謂天災重見。譴告可虞。語侵趙志臯。掌院  
侍郎曾朝節。謂其訕及首輔。以考察鍰秩。劉竟恚死。

董其昌曰。應詔陳言。卽皆及乘輿。不顧况此肩事主  
者乎。庶常無言責。以忠憤抒此危言。至沒身可惜。

御史況上進給事中楊應文各疏言建昌株木之害人  
夫度瀘觸瘴死者遍野。吏胥假公行私。以沙拔爲奇貨。  
○楊應龍流劫江津縣及南川。○煖鬼入犯遼陽塞。副  
總兵李如梅與戰。身被十餘矢。僅却之。○經畧朝鮮邢

玠至遼，行長建樓，清正布種，島倭害水，索朝鮮地圖，是以決意用兵。然麻貴望鴨綠東發，所統兵止萬七千人，請濟師。玠以朝鮮兵，惟閑水戰，是以請募土漢浙川兵，并調薊遼宣大山陝兵，及福建吳松水兵，劉挺督川兵聽勅，貴審報。候宣大兵至，先取釜山，則行長禽。清正走，玠以爲奇着，乃徵楊元屯南原，吳惟忠屯忠州。○刑部侍郎呂坤疏陳天下安危，言織造採木開礦，皇店之害。時戶科程紹亦言開礦事變多端，凡三四上，俱不報。○大學士張位等請于開城平壤開府屯田，因山鼓鑄，以資軍興，又言招南。

○示朝鮮朝鮮恐中

朝吞併以地土嶢嶠爲辭議遂寢。吏部尚書陸光祖卒。贈太子太保謚莊簡。光祖見儲議未定。巨璫張鯨懷二心。因與耿定力合疏斥鯨不法狀。復救給事中李沂復疏請建儲。誅鯨以明示天下。光祖貌不中人而癯。復不脩飾。邊幅取與一介不苟。聲旺洪亮。雙眸炯炯。

上嘗呼爲着破靴郎。中後請謚于朝。科臣趙璧循以前推闕。臣事爲疑。然輿論難違。遂得謚焉。光祖加興人。六月倭數十艘先後渡海。分泊釜山。加德安。骨安。甯。放丸如雨。殲朝鮮郡守安弘國。已復往來竹島。漸逼梁山。熊川。沈惟敬率營兵二百出入釜山。經畧檄楊元就其



管執之縛王貴管玠以楊元運用如神令守南原  
倭奪梁山占三浪遂入慶州侵閑山夜襲恭川島統制  
元均風靡遂失閑山要害○閑山島在朝鮮西海水口  
右障南原爲全羅外藩一失守則沿海無備天津登來  
皆可揚帆而我水兵止浙三千甫抵放順經畧檄且哨  
且行赴閑山協守閑山破則守王京以西之漢江大同  
江扼倭西下兼防運道○倭圍南原守將楊元聞倭至  
驚起帳中乘城跣足而遁城破而州民爭竄夾城去倭  
圍惟敬被執盛兵西下清正圍南原破之遼人衛楊元  
西奔玠時在遼陽大驚麻貴請于玠欲奔王京退守鴨

綠江海防使蕭應宮、以爲不可、自平壤兼程、趨王京、叱  
貴止之、玠召參軍李應試問計、應試請問廟廷、王畫云  
何、玠曰、陽戰陰和、陽勦陰撫、政府八字、密畫無泄也、應  
試曰、然則易耳、倭叛以處分絕望、其不敢殺元、猶望處  
分也、直使人諭之曰、沈惟敬在、卽退矣、因請使李大諫  
于長行、馮仲纓于清正、玠從之、○議降順天副主考焦  
宏、是年卿試所取士、多用老莊語、文覺奇僻、中式者、革  
黜、停科有差、因併坐、剛考焦竑、○總督邢玠、徵兵皆會  
上發帑金犒軍、併賜玠上方劍、便宜用事、而以御史陳  
效監其軍、兼按遼、邢玠因請發臨清、德州倉米、堆放天

津募船運入軍中。○下兵部尚書石星于法司，併奸人沈惟敬等俱坐大辟。

九月，倭至漢江，楊鎰遣張貞明持惟敬手書往責其動兵，有乖靜俟處分之實行。長正成亦尤清正輕率，不進王京而退。貞明返至中途，爲人所刺死。麻貴遂報青山稷山大捷，應官具揭上曰：倭以惟敬手書而退，青山稷山並未接戰，何得言功？玠猶怒，遂劾應官。惟怯不親押解，惟敬並追。○經畧邢玠使李大諫通行長約，勿援清正。麻貴遣黃應賜賄清正約和，而卒太兵奄至其營，令陳寅攻山寨。寅身先士卒，冒彈矢勇呼而上，所柵兩重。

未竟便來  
罰其聲述  
策馬而奔  
何懼也  
至精如足  
何以今衆

鎬之作用  
如此滿朝  
豈有不知  
者與日何  
以舉其經  
畧遂使斷

清正白袍躍馬督倭拒守至其第三重柵垂拔楊鎬密  
令茅國器竊割倭級國器以李如梅未至不便首功遂  
鳴金收兵詰朝如梅至攻之不拔朝鮮臣李德馨訛報  
海上倭船揚帆而來鎬不及下令策馬西奔諸軍遂潰  
清正縱兵逐北我兵死者萬餘遊擊盧繼忠三千人殲  
焉鎬竊貴奔星州撤兵還王京會同邢玠露布言蔚山大  
捷諸營上簿書士卒亡者二萬餘鎬大怒駁正止稱百  
十人贊畫丁應太問蔚山之敗慚惋諸鎬問後計鎬示  
以內閣張位沈一貫手書并所票未下旨楊揚功伐應  
太怒駁進退情實首論位一貫交結邊臣扶同欺蔽鎬

附勢煽禍。飾敗張功。及麻貴。李如梅。按律悉當斬。并鎬  
駁改。陣亡兵馬。卷冊封進。上覽之震怒。欲付之法。內  
閣趙志臯力救。迺已。鎬正聽勘。因遣給事徐觀瀾查勘  
東征軍務。上怒張位以其密揭薦鎬。朋欺僨事。削藉  
爲民。○山西巡撫魏允貞奏言巨璫出領礦稅。爲民鑿  
齒穿窬。而礦璫爲甚。璫亦反噬以激上怒。允貞又上書  
言朝政得失。譏切宰臣。不能輔導。挽使刑餘之人播惡  
上切責之。○楊應龍臨令江。索其仇袁子升。誣獄下。爵  
割之。○以天津巡撫萬世德代楊鎬經理遼左。○降翰  
林院脩撰焦絃爲福寧州同知。

三國先生  
降而  
自孫矣  
何必以位  
爲榮

統以文行爲士林祭酒二十餘年年望六始魁天下其文羅絡經史貫穿百家與之處如遊瓊林武庫是年主順天試雖以取士決裂文體爲言者所糾然寔由于元子出閣定講官六人統與焉時因太倉有言宜勸一書進覽統遂纂三上三多三不惑并奏正圖說未上講官不說統亦寢不復理後陳矩至適于案頭取去數部達上諸老大恚謂由他途進圖大拜又刑部侍郎呂坤綦閣範一書索序于統統有數部置案皇貴妃弟鄭國太見之乞取添入后妃一門而貴妃與焉衆大譁遂以此誦官

戊戌萬曆二十六年正月起工部尙書溫純爲都察院左都御史○東征失利以前役缺水兵無功乃益募江南水兵精講海運爲持久計○經畧邢玠分三協爲水陸四路路置大將中路李如梅東路麻貴西路劉綎水路陳璘各守信地相機行動中路李如梅尋調遼師以

二月會試以武英殿大學士沈一貫、禮部侍郎曾朝節充主試官，取顧起元等三百人。○迨雲南都御史陳用賓下于理，阿克者其先武定酋也。郡守失諸夷心，遂謀爲亂，守逃至會城，委其印于藩司克隨以兵，聲言武定故我土也。予我印，則罷兵，不則且虔而鄂。人情洶洶多謀，應賊自鎮城而下，皆惴惴請于用賓。用賓曰：姑予印，遂以武定印予之，而兵退。用賓反以捷聞，謂斬首四千四百級，俘獲一千三百人，零星擒馘者不計。用賓撫滇已十六年，至是言官論受賄通夷，阿克尙不知下落。武

定印何在。明是殺良民以希功。科臣段然謂用寶璽金至京打點。入其珍玩者。許以票擬。始敢上疏。旨下止于奪俸。後言者益多。遂以喪師失地。迫而下之于獄。三月廷試。賜進士趙秉忠。邵景堯。顧起元等。及第出身有差。○河南巡撫曾如春奏言。河南逆黨。豎旗倡亂。驚駭地方。奸民位世身。勾領異端。張掛黃榜。上書起首。先奪陳州。後奪汴城。疏入不報。○吏部尚書陳有年卒。贈太子太保。謚恭介。有年爲銓郎時。以成國封王事。與吏部侍郎王篆不合。即乞休。客有以硜硜難者。曰。小臣與大臣異。大臣忍小就大。小臣不得其職則去。吾愛吾硜。



硜矣及爲冢宰與當途枿鑿復疏歸議之者曰既爲大臣何不能忍小也豈其硜硜者始終一致乎有年曰大臣者以道事君不可則止如此而已矣噫謚爲介也宜哉有年浙江餘姚人

四月科臣戴士衡指閨範圖說上言苑枯之形已分語侵鄭貴妃知縣樊玉衡援引歷代以來嫡庶廢立之事以爲鑒戒而都督鄭承恩疏辨目爲二衡以激聖怒命謫戍○禮部余繼登疏請聖明早選淑女以舉行婚禮不報前禮部題請已奉明旨迄今三月未蒙傳示差官故再上疏促之○奪保定巡撫等官李春盛黃

此疏緣而  
作罪而歸

紀賢江人。奏係有差。以天津店稅銀解進遲延故罰。  
五月戶科給事包見捷疏奏開礦之害。陛下謂徒取  
諸山澤。在礦使實奪取之間。閭閻所經臨。慘毒萬狀。吏  
科給事趙完壁言之。陝西道御史許聞造言之。河南巡  
按姚思仁繪圖貼說。又詳言之。不蒙採納。提鑿入山者  
二載。虎狼出押者半天下。勢極時危。安所底止。不報。  
○戶科給事中郝敬疏。東師久役。振旅無期。直陳安危  
緩急之宜。華夷輕重之勢。願熟計之事。下部。○陝西巡  
按許聞造疏。奏五行泊陳上。干天怒。乞省悟改圖。卽未  
能傾內帑歸度支。而姑停金珠閭。摧之使。卽未能行郊

三朝卷五十七  
祀舉朝講而姑存畏天法祖之心。卽未能定冊立成大典而姑從加冠婚選之請。卽未能盡還播矣而姑弛不許朦朧之禁。卽未能慨然行取而姑容陸續推陞以補台省之缺。未能嘉賁學程曲突徙薪之謀而姑放還鄉俾忠智之士不至以學程爲戒。疏留中。

九月劉綬兵逼行長營。使吳宗道約行長爲好會。行長計以五十人往。綬大喜。分布諸將四面設伏。令健卒詐爲綬。而綬詐爲卒。執壺觴待。令軍中曰。視吾出帳卽放砲。圖倭衆亂斫。翌晨行長果率五十騎來。僞綬蒼折迎于帳外。及席。行長顧執壺觴者曰。此人到有福氣。綬驚。

徐觀淵本  
直臣也不

愕置壺<sub>陽</sub>出司旗鼓者驟傳砲伏兵盡起行長騰躍上  
馬從騎一字雁列風剪電掣旋轉格殺遊擊王之翰率  
黔苗兵來援倭已奪路而去明日行長遣人謝晏綬亦  
遣官謝謂昨登席放砲敬客禮也誤生疑心行長唯唯  
遣使遺綬以巾幘綬進攻城行長潛出千餘騎扼之綬  
敗北喪士卒千餘陳璘亦矣軍遁覆舟溺死者萬餘綬  
璘互相訐揭玠槩不以聞麻貴至蔚山望之空壘及趨  
而至忽然旗幟蔽空貴策馬而逃喪兵七千董一元使  
茅國器紆正成完封局正成陽聽之奄殺我兵殆盡僵  
屍四十里勘科徐觀淵開報大罵諸奸奏奏四路喪敗  
皇明去毒錄下三朝卷五顯皇帝

首極厥功

伏闕之舉  
我朝兩行  
之俱惟遠  
獨此獨異  
旅而退愈  
微聖度之  
汪洋矣

旨下部再勘。詔斬馬呈文。郝三聘以徇。一元等各帶罪立功。初上見丁應太疏。謂御極二十六年。未見忠直如此人者。書其名于御屏。一貫俱賄。玉熙官宦官。知文溪演東征戲文。焚惑聖聽。上乃霽威。復召一貫入閣。而臺省急攻志。臯註籍不出。○都察院左都御史溫純奏請下考選。罷礦稅。釋係累諸臣。不報。越一月。溫率大寮伏闕泣請。上震怒。問誰倡者。左右以左都御史溫純對。上乃霽威。宣旨曰。徐常檢發衆呼萬歲而退。○命追山東益都知縣吳宗堯。赴京訊問稅監陳增。推稅山東籍勢作威。毒泐黔首。宗堯故與之抗。增因訟于朝。宗堯降

幸秀吉之  
死耳不則  
和珅諸君  
亦未必遂  
能報命

處于是山東巡撫尹應元參增罪狀二十餘條跡如山置之不下反命捕繫宗堯于鎮撫司獄○孫丕楊罷以李戴爲吏部尙書○平秀吉七月九日死諸酋久有歸志玠歛軍中數萬金賄諸酋隨之渡海求秀吉之子永結和好諸酋欣然揚帆同日南去經畧萬世德自六月受命遷延不敢前比聞倭退兼程馳至會同邢玠奏捷遣三百人分送三酋渡海而三酋亦遣百人送玠渡鴨綠江玠卽縛之以獻俘督學御史李堯民知之因告廟宣捷上言諸臣欺誤狀師僉不至于欺何更矜誦貽天下笑上艱然抵疏于几而罷

君親瀾者  
必欲據實  
上聞可謂  
官特操矣

十一月勘科徐觀瀾抗疏叅沈一貫蕭大亨邢玠萬世德四克黨和賣國疏至長安。戶部侍郎張養蒙尼之不得。上時觀瀾方駐遼造冊。俟冊完復命。身歷釜山蔚山忠州星州南原稷山查核各處敗狀。據實入冊。大車危之一貫。蘭觀瀾前疏。有抱病語。票准回籍調理。改差給事中楊應文代完勘事。應文盛稱玠鴻伐而中外莫敢有言。以上二條俱出本朝要紀。

楊應龍統苗兵大掠貴州。洪頭高坪新村諸屯已又侵湖廣四十八屯。阻塞驛站。時兵備副使王士琦往征倭而應龍益統苗兵調原奏仇民宋世臣文鑾及羅及恩。

夷虜慘毒  
最爲可恨  
人言率爲  
太平犬毋  
作難亂人  
良然

金人代罪  
蓋蘇文獻  
唐太宗者  
仍隨習件  
誦大臣其  
未敢耶

等知挈家匿偏橋衛城襲執指揮陳天寵等大索城中  
得鑾承恩及子女慘戮以徇令諸苗對父奸女面夫婦  
妻或裸體坐于木叢射笑樂或燒蛇從陰入腹人蛇俱  
斃又掘墳墓焚屍灰飛蔽天愈加橫肆巡撫貴州江東  
之疏請防禦而四川巡撫談希忠請于合江綦州各置  
遊擊扼關門安穩處○安南黎惟潭自以恢復放罪進  
代身金人乃爲立面庸容狀禮部關驗嫌其倨令改範  
俯伏錫其背曰安南黎氏世孫惟潭不得蒲伏天關恭  
進代身金人悔罪乞恩二十五字

高汝栻曰元人既征安南其王陳日烜遣使入貢金  
人以代罪此安南金人始也嘉靖中莫登庸歸化



惟澤乘其  
氏之難  
有田土部  
謀請授以  
指統使轄  
治一方

皇明世宗憲皇帝三朝卷五

三

朝廷救而封之貢代身金人以謝至此蓋再貢也  
按莫登庸以黎氏之相盜有其國朝廷發十餘萬  
兵討之竟不能入莫氏表表求降于鎮關外繫組王  
貢天兵遂罷乃廢其王號建安南都統使司秩從二  
品其所部十三道改爲宣撫使司十三名設宣撫同  
知一員然莫氏帝其國中自若也登庸子方濂方濂  
子福海福海子宏漢宏漢子茂治萬曆  
丙子入貢已五世至此惟澤澤復云

已亥萬曆二十七年正月罷貴州巡撫江東之以郭于  
章代之起前都御史李化龍兼兵部侍郎節制川湖貴  
三省兵事黔撫令都司楊國柱指揮李廷棟部兵三千  
往勦楊應龍龍遣子朝棟師兆龍等迎于飛練堡我師  
奪三百落賊伴走天邦因誘我師殲之國柱死應龍初  
無意反既殺我師遂不可止我師決欲征勦命東征將

征倭告捷

神宗朝取

稅俱用官

也督稅太

監惡不可

當

以到任十

六日之官

罪而詐請

之可憐矣

其妻以夫

陷于刑時

終于直傍

更爲可憐

士制綆麻貴陳璘董一元回兵南征○征倭告捷上御

門受俘梟磔平秀政平正成等傳首九邊○江西湖口

督稅太監李道叅南康知府吳寶秀星子知縣吳一元

朋謀抗旨大肆詭譎僨侵國稅戕殺厥役七命上怒

命錦衣衛迨至下于理寶秀至任纔十六月初任大理

廉平有聲繼任南康奸璫肅愬久錮國扉其妻陳氏送

至半路悲慘不勝竟自縊于檻車之傍○上命錦衣衛

驛象所千戶常夢麒同御馬監奉御陳奉徵收湖廣等

處店稅徵銀六萬兩有奇按季解進上以湖廣荊州地

方原有辛效忠店房曾經遼藩竊據收稅後有居正因

皇明法專錄卷五 顯皇帝

原辭補寫  
定至語無  
雷同

已私意乃爾華免且租稅俱被土豪侵費殊非法紀着  
原奏官會同撫按作速奏明不許徇私隱匿于是湖廣  
巡撫支可大奏湖楚爲聖祖龍興之地內錯江湖外雜  
苗商土力瘠磽故稱澤國物產非有綠縵綺繡之奇也  
厥貢非有璆琳珠貝之珍也比歲灾後游臻凋瘵未起  
邇遭採木重役焚林竭澤十室九空海內虛耗之邦未  
有甚于三楚者查得本省舊有各項稅課如荊州前有  
遼府後有張居正各店房先年已經沒入變價解京盡  
屬民間之業今僅于沙市徵收稅銀及各府原設有稅  
課司有門攤商稅有茶鹽油布雜稅等項每歲徵收內

痛切言之  
盛中寶鑑

以給解京濟邊之用。外以充宗藩造葬之資。大之供官  
軍俸錢。科舉兵館之需。小之作紙劄公費。工食衣糧之  
數。其全書揭報。紀載甚明。今復奉差內使。督徵稅課。若  
併前各項收入內帑。則百用乏絕矣。若迫于用。絀復議  
加派。則下民其怨咨矣。此猶以在官言之也。而其在民。  
則原題所未及。爲其不與商稅等也。今差來官民。一入  
楚境。口口以處虧稅額爲辭。而左右之撻置者。旣多。奸  
宄之投入者。羣集頭會。其歛秋毫必悉。行貨有稅矣。而  
且筭及舟楫。居貨有稅矣。而且筭及廬舍。米麥菽以沽  
養殮也。而有稅。鷄豚以供肉食也。而有稅。耕牛一農具。

耳而稅焉。驟驢一畜產也。而稅焉。搜刮于十五郡之中。遍及于一百十六州縣之內。自役煩差。絡繹道路。廩糧馬匹。應接不遑。一歲之中。騷擾錢糧。動益千計。雖欲不擾地方。不可得矣。以故旬月以來。羣情洶洶。衆口誼呼。居者閤廬而徙。行者納屣而避。弱者俱怨于言。强者輒怨于色。臣等百計安戢。紛然靡定。楚習故獮。得又以橫政虐之。恐將來多事。有莫知其所底止者。伏乞皇上收回中使。停罷權徵。仍照各關津事例。條立款目。一遵明旨。如客商貨物。販積店房者。各分經紀。槩行抽稅。用以輸課。不報。

吏部右侍郎薛以讚卒。贈尚書。謚文榮。

讚江西南新建人。自翰林。領銓曹。俱以在家強起。至再三而後。後拜洞微性體蕭然。陋巷。几。案。床。榻。塵埃。滿座。而無侵客。疑海內重之。

○自吏部尚書楊巍與內閣不相下。故文選郎數見譴逐。人以銓部爲懼。府是年主察。屬員外甕幼金適上將四司告假。官一筆行勾。而幼金與焉。令以他部郎充數。于是禮曹郎熊鍾文。朱敬循。竟得考功。御史牛應元疏論之。○戶科給事包見捷疏論礦店滋蔓。又疏論臨清稅使擾民。必致生變。又疏遼左貼危。礦市爲患尤烈。一月三疏。指數內使切直。時論忌之。降爲典史。未幾歸。

清百姓亂。歐稅使馬堂幾死。朝廷之威大養。而見提之言。若左券云。

侵以平秀  
吉之死固  
而滑端非  
戰之功也  
應太以珍  
爲賂使科  
臣即以應  
太以應

四月雷擊太廟。秦晉齊地皆震。南都雷火。西寧鍾不擊。自鳴。紹興地出血。禮部尚書余繼登上疏言變異。上以深自警惕。并戒羣臣增脩其職。○薊遼總督邢玠劾贊畫主事丁應太逼死監軍御史陳效。初效同徐觀淵會勘。自誓曰。效若庇同年楊鎬。則不生還。後竟貪言及應太疏出。乃曰。吾爲羣醜所誤。官何足論。奈不諱于名。簡何無奈。張閣老書來。吾悔無及矣。至南原。又曰。蘇陳下諸鬼索食。吾其殆乎。與萬世德對坐。言談舉茶。遽仆。

此未廣可  
惜玠謂玠  
之死為慮  
太所過不  
勝悲憫以  
激聖怒  
可耳御史  
氣卒即署  
就安凌德  
既言親里  
是非自見  
勢如出柳  
死雖不意  
武臣有此  
効節

頃刻而死。○楊應龍乘我師未集，大勦兵犯綦江，分屯  
 赶水、猶兒岡、婁國等，以偏師一犯南川，一犯江津，其子  
 朝棟守沙溪，緝麻山，防永寧，宣撫與貴州。○五月，遊  
 擊張良賢、房嘉寵敗清綦江，失守，賊劫令縱囚，乘勝長  
 驅，出綦江庫犒師，依倉就食，盡取貨財子女以去。老弱  
 者殺之，投屍蔽江下，水為赤。先是，應龍督苗兵圍綦江，  
 城數匝，嘉寵誤焚火磚，反傷城上兵，賊乘勝登城，嘉寵  
 率師巷戰，蜀兵爭謀走水上，嘉寵先殺其妻，與賢良赴  
 敵死，應龍退屯三溪，止言爭界，猶與曲宥。時重慶密邇，  
 無備，賊遂乘勝長驅，全蜀門戶懸矣。○內節高淮上言



功罪明則  
人心服東  
征之師大  
有可商是  
非至今未  
定

遼事御史徐宗濟劾其越俎干政漸不可長准非知兵  
全憑叅隨游客代之屬草以談邊爲嘗與規鎮守

七月給事楊應文勘報東征功次四路禽斬如那玠所  
奏那廕錦衣世襲世德蔭子入監挺璘貴各升級一元  
復職鎬以原官叙用陳效亦廕子觀濶不與焉

八月刑科陳維春具言京畿之內羣奸滋漫時姪寃雜  
居布滿郎寺如樂新爐之代草內批王一鵬之託身廠  
衛上大夫爲其奔走爲其陷傾者無數雖有論劾莫之  
敢動

後王樂諸人至京論死爲侍郎喬允升快殺之  
最後正文言亦師其故智遂貽縉紳之禍焉

小人言利  
如石投水  
石子言金  
如水投石

錦衣衛冠帶總旗申敏奏湖廣興國州銀爐山原有金銀礦洞請欽命御馬監右少監李先同去開採金銀併丹沙等物悉數解進奉旨歸併陳奉督率開採○科臣郝敬陳聚民開地務本生財至計○吏科程紹奏輔臣沈一貫票認錯誤一貫雖自認錯竟以紹爲民○陝西狄道山崩山長二百餘丈忽崩裂長一里其下冲成一池山南平地湧出大小山五座約高二十餘丈山未崩之先每夜山下火光四出其內有聲如雷稍稍又聞鼓樂之音如此者十數夜○罷雲南巡撫薛慶雷命該省撫按議勘阿克于印時慶雷爲廉憲力爭以爲不

可其右伯則曰事急矣毋以妄言撓遂予印茲以此罪  
雷渙人在京師者頒言于朱賡旨遂擬勘而暫聽其歸  
勘白而夢雷逝矣斯時稅璫楊榮暴瀕諸司束手璫欲  
以事縛臬司檄併鑿朱布政墳有奴歐主反構璫籍其  
貲夢雷一裁以法嘗與璫飲諸僚惧其毒多挈尊墨往  
夢雷慷慨浮白不設猜防璫亦以此服之一日恚甚欲  
以稽遲稅誣奏夢雷其黨環泣薛公得渙人心訖薛公  
則禍立至璫惧追寢其奏夢雷候官人○降襄陽府知  
府以下李商耕趙文煒高則巽各一級調用迨推官華  
鉅經歷車任重至京訊究稅監陳奉叅案臣曹楷陽誣

陰害抗旨撓法等事併劄李商耕等。斯時奉至黃州團  
風鎮。輒有射人溺人之舉。撫按業已會題。奉疑案。臣主  
之故。中禍諸臣。方其由武昌抵荊州。商民鼓噪者數千  
人。拋磚擊石。勢莫可禦。道府諸臣身扼其衝。殫力防護。  
獨推官華鉉以公事偶至夷陵。疑其避嫌潛屬。又謂其  
禁革差官之冠帶。阻截司役之書筭。故受誣獨烈。黃州  
之稅先爲湖口太監李道差委。經歷車任重徵收。與陳  
奉爭界未定。奉旨停徵。及稅課襄陽開徵未久。而商人  
三百六十行聚衆鼓噪。知府李商耕治其衆隨等。至于  
荊門一州。原非巨鎮。強立稅課。自無商船往來。而曰知

州高則異。不容晝行。舟行稀少。則稅無從征。而日則異肥吞入已。究哉。○楊應龍知朝議不赦。遂焚東坡欄橋。楚黔路梗。黃平龍泉所在告急。劉綎兵已至。總督亦就近移重慶。而賊據徧橋等山。掠與隆鎮遠。實爲要害。楚不得入黔。滇不得出楚。將無黔且無滇矣。議置勁兵萬餘。通道。總督郭子章爲諭苗雜書。招慰賊黨。

### 山東巡按王業弘奏稱遼左失事情形

董其昌曰。遼臣欺蔽。獲敗爲功。所從來久矣。而按臣扶同。不據寔。上聞寧欺君父。不取怨于朋友。朝廷孰從而知之如業弘。可謂克舉其職者矣。

鳳陽巡撫李誌極言東南民力已竭。卽日解印去官。○

命應天府取帘屏龍旂、龍簾、諸上供物，府丞徐申上疏言費將鉅萬，弊不可言，必不得已，請增爐、鼓、鑄以濟急，報可。○武功衛右衛百戶韓應桂奏土民夏因湖、報湖廣一省及京山縣等處具有真礬、鉛、砂、大青等物，併進地理圖樣乞差御馬監右監丞劉恩前往開採，上允其言而歸，併其權于陳奉。是時首開興國州之銀爐山，得鉛，未得銀。繼開麻城之李家山，又得砂，未得銀。工費浩煩，得不償失，卽陳奉亦經營勞瘁而苦于奉行。應村以武弁狠貪，籍口爭尺寸之利，國璠以猾吏蠹毒，假公報睚眦之仇，欺罔聖聽，以圖僥倖。巡撫支可大疏。

可大有裨

皇明法傳錄三朝卷五

二十七

參欲置韓應桂等于法上免其罪而撤回焉

雲南道御史葉永盛疏奏差增條議播雲無窮乞兩賜  
停遣立誅首禍不報

高汝欽曰武并辦一麟馬承恩策有京口儀真獻店  
設推之請原京口無遣而儀真等處之稅如故已  
科臣逆疏崇允大監督祿條議藉口復舊稅清獎疏  
內開沿江各府州縣內外河道有裝販私鹽貨料等  
物並容統屬覺察承恩曰沿江上下祿日各府州  
縣承恩曰要津通衢祿日內外河道則內外盡歸統  
屬而益天地間皆  
所稅也蓋亦異哉

兵科給事侯先春疏奏元朝擁全屬國恩至厚而士馬  
物故軍興之費不貲奈何復戍守疲中國以重異域乞  
撤兵上從之○始撤朝鮮戍兵先是邢玠世德與朝

鮮王李貽議留兵善後。貽固拒不從。曰：「不戰而去，何必善後？」小邦無糧，不敢留兵。監軍陳效怒曰：「不留兵，豈成戰局？」因強留兵萬五千。朝鮮不肯給餉。戶部尚書陳渠謂七八年來，所費本色百萬，折色四百萬，必朝鮮辦餉，方可議戍。署兵部蕭大亨心知朝鮮苦此，遂議撤之。

如倭去王京也。釜山首尾將五歲。如鷺島之匿形。剌之者曰倭。倭初因糧朝鮮於貽，入不反兵。後朝鮮餉破無見糧。倭雖六十六州，實止及中國一大省。餉輸猝難取給。航海運糧，風不利。倭棄支一年，有退無退。或曰：沈惟敬許倭七事，約割忠清全慶三道。朝鮮王親自謝。小人厚國所許，至有不忍言者。倭坐獲全算，可無戰。或曰：倭懲平壤挫銳，借封貢以愚我。撤兵取勝于釜山等處，與夫全慶東萊等州聯絡，相角可攻可守。倭因講誓退以愚我，授兵盡撤，乃借募朝鮮負約仗誓立空死。此皆倭得策也。我以棲船橫海之師，四



將軍二十六編裨賸余數百萬。竟收一死。屬白。而猶留水兵三千以成之。非計也。茲得旨盡撤。

宗廟皆言  
開不稅而

義獨能  
見其其中

智之未  
著非

司禮監太監田義請罷礦稅抽採之役疏留中。

庚子萬曆二十八年正月楊應龍勒兵數萬五道並出

攻龍泉司守備楊惟忠擁兵二千以勢不敵先期託言

議事遁鷄鵲溪土官安民志部率五百拒守被擄吏目

劉玉鸞偕妻子並死于賊

徵調天下兵咸集各土司亦用命總督分爲八路川從

綦江南川合江永寧八貴從烏江沙溪白泥龍泉入時

楊朝棟統苗數萬分三路迎敵鋒甚銳我師夾攻數陷

陣朝棟驚走幾爲我獲諸路提督相繼

仁至義盡  
之族大有  
關係

三月移 皇長子居于慈慶宮。再諭內閣。冊立有期。羣  
臣不得賣擾。○童元鎮率兵前突烏江。賊誘永順兵。斷  
橋淹死。我師無算。我師一克桑木關。一克烏江關。再克  
河渡關。陳璘擊四牌賊。各披靡。遂奪天都。三百落諸國。  
至此爲其所誘。遂敗績。事聞。迨總兵童元鎮下于理。○  
通政沈子木奏言。建文帝御宇。顧不得一盂麥飯。下同  
齊民于謹。夫忍且 文皇帝嘗以天子禮葬。近奉明詔。  
褒死事諸臣。臣皆有祀。而建文獨不得祀。于德意未稱。  
宜詔禮官定議于南都。或祔食 高皇帝。懿文太子之  
側。以彰大義。以秩大典。下部議處。○總督李化龍大集

人武於重慶盟神作軍誓登壇部署出師是役也分五  
監六師以入道進討推官高折枝以南川兵進據桑木  
帥馬孔英繼至再勝金子坦連勝高坪克海門關以逼  
賊巢帥劉挺進基江破三洞與賊父子遇連戰皆捷取  
婁山關入其養馬城帥吳廣進合江州間降安羅三寨  
擊斬賊將郭通緒入崖門再捷牛水塘樓賊于四而逼  
其後戶帥陳璘進偏橋掃四牌七牌苗下長坎躡青蛇  
營大小三渡設牌棚以防賊逸童元鎮進烏江戰不利  
合水西兵勝于母猪園帥李應祥亦招降夷進戰有功  
諸將畢集海龍岡下李化龍適逢父喪詔以墨緣視師

斯時八路  
兵大集團  
下祭長圖  
困之魔龍  
天子上圖  
守然然  
地離散  
後元土  
合宜月

責戰益急。六月，經連破外關，廣璘潛師攻圍，遂入大城。應龍自縊死，檻其妻孥黨屬，俘京師播賊平。

進兵纔百日，獲賊巨魁一，生致諸郡部落酋千一百有奇，俘賊屬五千五百有奇，招賊十二萬六千有奇，獲牛羊生口一千有奇，招降民一十二萬有奇，拓地千餘里。

湖廣騰驤衛百戶仇享奏興國州土民徐昇等朋掘黃金巨萬內有唐相李林甫夫人楊氏諸命金牌金章金香爐等物，尚有左右金銀窖未開。上曰：查明銀兩，一半留與本省兵餉賑濟支用，一半解進應用。

徐昇之福也。在西塞山地名古墓係元衛公呂文德其夫人係楊氏，止得金盆一、金盃一、金牌一、金絲角一、銀兩定計二十七兩。蓋緣程氏葬衛國公之側，意謂夫人尚有若許之金，國公寧無殉葬之物，亦人捕

風振影張大其詞以動宸聽後撫按題免開礦

今肥人知  
鐵礦連情  
述其名

降湖廣守道萬振孫三級承天府知府王禹聲某縣知縣鄒光弼一級承天守備杜茂勅奏地方黑夜聚眾鼓噪豎旗吶喊鳴鑼以致城門不閉等事上怒提問守門千戶而降諸司○礦稅方興南京守備太監下廬州問六安州礦有無狀令肥人教知府具地圖上言六安有礦高皇帝恐人盜採有傷皇陵來脉故六安衛官特重巡山之任不敢妄議開取圖上奉旨凡係皇陵來脉俱不許開○以鄭汝璧為延綏巡撫延綏塞千二百里黃台吉鉄雷火落赤諸酋互市寧夏而帳落在

內監之奏  
橫殺夫而  
未更書

延綏界西則卜石兔屯套河東則莊禿賴偏頭關則剪  
牙氣想弄諸虜爲患汝壁悉按其情形制禦中竅苗炒  
忽兒犯孤山擊之殪其愛子火落赤犯寧塞擊之生  
縛百餘人已復犯懷遠擊之前後斬級甚多虜卒受款  
市市賞有差不過予

吏部尙書李戴請查革本部積弊吏弊之多皆因四司  
官速轉不及詳察以積年之吏欺數月之官雖有條陳  
總歸廢閣乞裁頂首減冗員○湖廣稅監陳奉辱歐襄  
陽府通判卽宅奉徑提宅至府毀裂冠裳蓬頭赤膊立  
于本監二門之外要打五十知府盧學禮知縣江興發

跟入又得襄府承奉三人當面救解始放本官憤惠欲死

奉明旨內原無歸制府官之語乃敢擅自稱屬令既足亂妄無異因隸國家紀法至此勢然矣

禮部尚書余鑑登卒贈太子太保謹文恪

皇長子出

兩講學

十一月皇長子出閣講學出閣時率以漏下四鼓爲期遇嚴冬大雨未嘗傳免長隨內官每用綿袍把持而出講官至爲淹涕皇長子夙夜其勤將就閑間經書熟誦精通爲做務極端楷對屬確中音律每講畢侍班司禮入奏皇上喜動天顏做對每用御筆圈點是日之講大風寒諸講官立殿門外時煖耳未賜爐火亦未舉

正城門抄  
河年且長  
大言家火  
建府屬數

皇長子方出。崇基講官郭正域。入大言。殿下宗廟  
神人之主。玉體當萬分珍重。若中寒得病。豈不屑越大  
甚。喝班役速取火。禦寒時中官各圍爐密室。特無人倡  
率不敢明用。聞郭言而兢。出火環向講事完。上聞亦  
不罪也。○吏部等衙門奏言去歲楚民洶洶。皇上一  
易中使。楚地帖然。無他以用。舍得宜故也。今天下最爲  
民害。萬人所指者。遼東之高淮。淮上之陳增。廣東之李  
鳳。陝西之梁永。雲南之楊榮。五人之惡。皆不減陳奉。天  
下小民不堪擾害。因此歸怨。皇上請以王忠代高淮。  
不然則張燁亦可。請以魯保代陳增。不然則暨祿亦可。



皇明法傳錄 三朝卷五 顯皇帝

三

請以李敬代李厚。不然則劉忠亦可。請以趙欽代梁永。不然則黨存仁亦可。楊榮之差。則以萬里孤懸之鎮。付之鎮巡官。照額代進亦可。如此可救蒼生倒懸。一半收天下人心。一半不報。

十二月戚臣鄭國太疏請。皇子先冠婚。後冊立。科臣王士昌糾之。署禮部朱國祚以國太顛倒其辭。與。明旨相背。恐釀無窮之禍。不報。○獻播酋俘于闕下。刑部尙書蕭大亨請。剉應龍屍。磔朝棟等于市。梟示各夷。併戮田氏馬千駒等。從之。○總督李化龍條上。撫州善後十二事。其地屬蜀者。曰遵義。屬黔者。曰平越。遵義領州。

一曰真安州、縣四曰遵義、綏陽、桐梓、仁懷、平越、領州一  
曰黃平、縣二曰湄潭、餘慶、綏安、龍泉、所改縣石阡、又專  
設播州兵備、駐遵義、置威遠衛、建學增驛、其地西南左  
接水西、右逼永寧、犬牙相錯、水西向侵播州、水煙、天旺  
及它甌脫頗衆、蜀黔爭執經界、數年始定。○國子監司  
業、傳新德、奏請易孔廟以琉璃、從之、先是闕里孔廟歷  
代以來咸脩廢墜、至大學士李東陽致祭、言後簷下皆  
盤龍雲花石柱、壯麗精緻、入廟清肅莊嚴、非佛官可擬、  
至巡按鄭汝璧、連標等、復開甕城重門、以闢神路、至是  
易以琉璃、奕然一新。

果尔督稅  
而兼操舉  
効并專將  
推矣

辛丑萬曆二十九年正月、遼東稅監高淮恃寵恣橫、劾  
罷總兵某、兵科給事侯先春奏言、本朝鎮帥皆廷推、  
設有不法、撫按交章、兵部議處、以俟、宸斷、今以橫璫  
片辭、微中旨黜罷、則將權日益削、邊事日益非、上怒、  
謫爲廣西按察司知事、○陝西稅監梁永、捏奏咸陽知  
縣滿朝薦、藍田知縣王邦才、滿朝薦爲令、甚得民心、與  
永相齟齬、被逮時、緹騎止灊上、宗室士民、毋慮數萬人、  
圖永署、永窘甚、有司爲誑楚計、以脫永、又多方解什、  
朝薦得就檻車、邦才砥勵廉節、發奸剷惡、亦與永相左、  
故並逮之、

高汝栻曰、永之驛樓地方也。節夷虜盜賊、不足以喻其橫門盡重、扇加之木石、市無行人、惟支房馬戶、以有司供應者、卒反縛倒懸、朴以馬箠、無數梁山一帶、原非礦地、永奏報開採、要挾虛認、年年征解、民甚苦之。至僻邑、買廷不便、立有數處、會場、歲不過幾日、皆民間粗賤之物、永聞知、差叅隨虎棍、任意搶掠、有販羊毛人、用小尖刀、刺股數處、創甚、昇以見官、竟無可誰何。及商賈、閱然羣起、始稍逸去。他日仍持縣官、索賄而後已。

二月、會試、以吏部左侍郎馮琦、禮部侍郎曾朝節、充主試官、取許儼等三百人。○大學士趙志舉致仕、回籍、以禮部尚書朱賡、爲東閣大學士、入閣辦事。

三月、廷試、賜進士張以誠、王衡、曾可前等、及第、出身有差。○兵部尚書蹇達、疏奏、稅監高淮、招納亡命、數百人、

皇明治傳金三朝名王  
以寒月行邊士庶產不及中人者推牛釀酒以獻小不  
如意席捲捆載其家如洗甚則榜笞如雨暴骨草野父  
子老弱保虜相隨於路每言上許爲鎮守其威內挾其  
勢外布籍口入貢從五百騎悉環甲持滿次廣渠門遠  
近震駭進退不請拔行不顧逆節萌生雲焰必張遼人  
莫保首領有走虜闕匿耳無遼且無薊如京師何又曰  
淮徵稅三萬有奇私賦倍之每虜市奪其善馬駕者強  
勒堡軍以重價購遼人正德思亂請亟召還京治其羽  
翌宋希曾軍不報○雷擎折天壇燈竿

起工部尚書曾同享爲南京吏部尚書先是九門成亨

已加太子少保、廷推吏部尚書、命且下會其躬、乾亨上疏、裁定武弁之冗濫者、衆誼而御史以爲言、亨引病乞歸、戊戌、且起南冢宰、五辭不就、茲特起前官、三辭不允、迺嘆曰、兩召不赴、非人臣也、遂入留都、與乙巳內計。○松虜寇邊、陝西督臣李汶約宣雲四鎮兵禦之、遂空松幕、復其地、虜大巢三日套、日海日松聲勢相倚、又東結播酋、西挾番爲援、汶疏請宣雲督臣約勒播酋毋黨虜、以計詒降、諸番五萬餘、卽用其酋長并力賊虜、而內聯終四鎮、率然響應、一鼓殲之、別創城堡、據要害以蔽莊涼、闌爲內地、而盡撤舊戍、黃河以外無煩亭、墩、虜亦相

率叩關悔罪。○總督尙書蹇達疏奏內臣不得豫政。典兵祖訓炳如日星。高淮矯制侵官。開蒙與戎。嚴爲禁錮。庶無養患。達方與撫臣以西虜班白二酋。連東虜人犯。商所以制禦之策。而淮忽自疏其接邊調度兵食。指揮諸將務詡功伐。達怒甚。故有是奏。疏人不報。○國子監祭酒楊道賓請東官行齒曹禮不報。○湖廣武昌兵備僉事馮應京叅內監陳奉大逆十罪。疏留中。陳奉亦奏應京故違明旨。撓阻多方。受賄陰蓄打手。假兵焚劫。微服私行等事。上曰。馮應京抗違阻撓。凌辱欽使。降雜職邊方用。○華知縣王之翰。通判別宅爲民。迫僉事。

馮應京至京。下于理。○南京吏部尚書裴應章卒。贈大子太保。

應章聞之。清流人當在兵垣。論兵事。傍情皆鑒。鑒可。見施行。又以尺牘定罪。卒之。後說者擬于郭侯。陝州之軍。單騎入軍云。

雲南緬夷莽達刺。侵逼三川。煽誘岳鳳。順寧土舍罕虔。爲莽內應。上遣調鄧子龍。劉綎。兵禦之。緬夷恃其險。遠。兵力強盛。侵逼三宣。而隴川多氏。爲岳鳳父子。煽誘。折入緬中。于是據隴西。破順寧。滇中大震。二將至子龍。先復順寧。劉綎亦以計誘岳鳳。及其子曩烏。縛獻闕下。緬夷平。○羽林指揮王遇桂。與奸民吳良輔等。請括椒



寧稅契。上命守備內臣邢隆往勾核。良輔扶詐欲與偕行。巡撫曹時聘疏爭廼止。奸弁王遇桂又以稅契及高淳馬場爲言。隆復欲往勘。且治行矣。時聘力言亦輟。小璫劉璉者。聲言被隆檄旦暮當出。時聘告各邑璉果出毋得給一人一騎。其從役皆追治。璉竟不敢出。嘗是時璫入深聞無筭禍不可言。○姑蘇机戶以加稅歐死。委官王建節有司緝獲亂首。葛臣服辜事旋定。礦稅方行中貴人在山無所得。則議令民包賠。民已洵洵思亂。徽人程守訓者以無賴子附麗璫。縱橫肆暴。至反噬御史志得文張等婪歛弄江南稅事。并屬機造孫龍不特。

遣而一時罷開官吏多援守訓進所在關津各有委官  
而王建節據封門外之滅渡橋無論往來商賈即持豚  
鷄疋布入市皆爲剝削衆不勝憤憤乃集數百人擊建  
節至死併燔其室廬城中大擾太守出撫諭而葛臣者  
挺身服辜衆稍解○長陵明樓火

按是時中官扶利權墜山伐家莊隨刺膚海內呻吟  
愁嘆自監司郡守及青衿士皆無辜收係禁獄意長  
陵在天之靈慘不忍聞  
故雷火見異以相警耳

緬酋平 上御門樓受俘磔諸市傳首九邊昭示天下  
○奴兒哈赤請補雙貢自哈赤日益強潛有并吞海西  
意北關那林孛羅與南關猛骨孛羅方酣于關猛酋不

支以子女質奴酋。請兵。那林忖布飛語謂猛酋。且執部夷以激怒奴。奴信其言。遂執猛酋置寨中。盡掠其資。尋獲猛酋妾三人。曰法賴。曰松代。曰速代。射殺法賴而留松速。迨中朝宣諭。願歸猛酋次子。革把庫。及夷部百二十家。願以女。女猛酋長子。吾兒忽答。于是撫忽答保塞。那酋亦願歸。勅書六十道。請補雙貢。加故事。然忽答名雖婚寔。羈之。南關不絕如綫。奴益旁囓諸夷矣。禮部右侍郎郭正域疏言。世宗朝罷內臣鎮守。及珠池貢物。擾驛遞。濫奏帶。開銀場者。按問譴戍。不貸。儻在寔錄寶訓。幸罷諸中使。以杜亂萌。不報。

冊立太子

十月十五冊立 皇長子爲 皇太子暨冊封親王瑞

王惠王桂王詔告天下○加慈 聖宣文明肅貞聖獻

皇太后○存問大學士申時行○二十八日 皇太子

加冠福瑞等王并冠

會典 皇太子冠禮皆設冠席醴席于文華殿內今  
文華殿既爲 皇上臨御遣官之地則席移于殿之  
東序在 皇太子一向講讀之所親王冠禮舊在皇  
極門之東廡若 皇太子于文華殿東序則四王之  
禮又不得不移于文華殿之西序但西序勢逼窄百  
官班次不能盡容相應候賀 皇太子禮畢百官賜  
吉服文武大臣堂上官及近侍官拜于西  
丹墀內庶僚拜于文華殿門外近西行禮

以內監魯保司兩淮鹽政兼南京浙江織造請專勅與  
關防禮部持爲不可侍郎郭正域往白內閣內閣曰

皇明法傳錄 三朝卷五 顯皇帝 主入

勅去矣。正域曰：爲之奈何？朱廣曰：勅中多勸戒語。正域又曰：今文武臣奉勅者，孰無勸戒？能一一奉行否？何望于闕？退而具奏。南京浙江各有內臣，各有職司，替保欲任二職部兩地。倘諸闕效尤，以請將誣爭無已。時非禮也。下其事關防，得無給。○上徵稅監高淮還京，總督蹇達迨其黨宋希曾、徐文勝二人衆撲殺焉。斯時淮以進方物爲名，欲率其練甲至國門，人情震恐。當事以聞，貴淮毋得妄動。乃召淮還。淮還而宋希曾度遼遼人不容謝病廣寧，將竄。奴酋爲中行說達上論淮先撤守臣懸購兩惡下獄。其黨徐文勝陰結力士李希曾。

衆知狀。木石交下兩。奸駢死。淮之未歸也。辱監司。郝太  
猷弟。衆憤而噪。甘心于淮。迫脅主事李如檜。通判王修  
行。蔽以行。又達命叅將米萬春。李登。監淮至登州。二十  
里。遇淮。淮潛居延壽寺。關上意兩人以君命不敢宿。

促之。故太死也。達知其必籍爲口實。上疏言淮駐私軍  
萬。皆殺其家。竄。垣之龍窩。或轉寄京師。其惡黨尚數  
十人。并請逮治。淮遂誣奏同知王邦才。叅將李獲陽。  
掠其貢物。○又憾永平知府高邦佐。不爲禮。并誣  
之。上命緹騎追訊。